

# Māui Haututū

Tō tuakiri, Tō oranga, tō  
āheitanga ahumoni






## Table of Contents

Māui Haututū: Tō Tuakiri, Tō Oranga, Tō Āheitanga Ahumoni .....	2
Māui Haututū: Wāhanga Tahi – He Ngohe Ako 1 .....	7
Wāhanga Tuarua: Te Whare Tapa Whā: Te Oranga Torowhānui Me Te Āheitanga Ahumoni.....	8
He Ngohe Ako 2 .....	10
Wāhanga Tuatoru: He Aha Te Tikanga O Te Whairawa, Te Hōhonu O Te Pūkoro Rānei Ki Ngā Rangatahi Māori.....	11
Ngā Ngohe Ako 3 .....	12
Māui Haututū: Te Aromatawai Whakawhanake - Te Koha Me Te Toiora Tangata.....	14

---

# Māui Haututū

‘Whakapakaritia tō kaha pohewa’



## Tō Tuakiri, Tō Oranga, ō Āheitanga Ahumoni

- Porohianga, Ringa Raweke
- I kīia e ōna tuākana kāore e taea te mahi i te mahi, heoi anō i mahia mārikatia.
- He kaha tōna tuakiritanga, he mōhio ki tōna tūranga i te ao.
- He pākiki, he kaihīraurau hopanga, nāna ngā otinga korokē.
- Whakanuia tō tuakiri ahurei

## MĀUI HAUTUTŪ: TŌ TUAKIRI, TŌ ORANGA, TŌ ĀHEITANGA AHUMONI

### 'Whakapakaritia tō kaha pohewa'

Nā Māui rātou ko ōna tuākana te rā i whakapōturi nā tō rātou pīrangi kia nui ake te wā hei whakapau tahi hei whānau. Nā te tāpiri wā anō ki tō rātou rā, i pai ake te whakahaere i ngā mahi whānau whakaputa hua, ngā mahi ā-rā rānei pēnei i te mahi māra, hī ika me te aruaru, ā, i toe tonu he wā hei whakapau tahi hei whānau. Ka tauhokohoko a Māui me ōna tuākana i ā rātou hua ki ētahi atu whānau, hapū hoki i te Pāmu Tauhokohoko Atua o te takiwā.

Te āhua nei e mārama kē ana ki a rātou te kupu rārahu 'Ko te wā te moni, ko te moni te wā'. I a rātou ināianeī te nui atu o te wā mō te mahi, ko te tikanga nei ka nui atu ngā hua o ā rātou mahi mō te tauhokohoko mō ētahi atu rawa, ā, ka taea tonutia te whakapau wā pārekareka hei whānau. Nā reira, me kī, nā tāna whakapōturi i te rā, i takohatia mai e Māui rātou ko ōna tuākana te nui ake o te wā ki a tātou, ki te tangata. He nui ake te wā ki te whakahaere, ki te tauhokohoko, ki te haumi i ō rātou pūkenga, tō ratou kaha hoki hei rawa anō mō te oranga wā roa o ngā whānau.

He tino rite taua aweko ki tēnei mea te āheitanga ahumoni, engari rawa ka pā tika ki te moni, kaua ki te wā, te mahi, ngā pūkenga, te hua rānei. Koirā ko te mōhio me pēhea te whakarite kia mahi ō moni mōu; te mōhio me pēhea te mahi moni, me pēhea te whakapau moni, me pēhea te whakahaere moni, me pēhea te haumi moni. Heoi, e noho ana tō mōhio ko wai koe, tō tūnga i te ao, me tō tuakiri, hei pou here mō ō mahi whakatau, ā, he wāhanga nui tōna ki tō āta mārama ki te ariā o te āheitanga ahumoni, ka taea hoki te kawekawe i te oranga takatika.



I tēnei wāhanga, e whakatenatenatia ana ngā ākonga ki te tūhura i te āheitanga ahumoni hei wāhi iti o tō rātou oranga torowhānui katoa. Kua wehea tēnei wāhanga ki ngā wāhi e toru;

- Tō tuakiri, me tō āheitanga ahumoni.
- Te Whare Tapa Whā: Te oranga torowhānui me te āheitanga ahumoni.
- He aha te tikanga o te whairawa, te hōhonu o te pūkoro rānei ki ngā rangatahi Māori.

I roto i ia wāhanga, ka torotoro tātou i ēnei pātai kia pai ake te māramatanga. E whakatītinatia ana ngā ākonga ki te awhi i tō rātou tirohanga rangatahi Māori ahurei i a rātou e koke ana;

1. Ka pēhea ō mōhiotanga ki te āheitanga ahumoni e whai awenga ai ki tō tuakiri, ki tō papa kāinga, me tō tūnga i te ao?
  2. Ka pēhea te oranga e tūhono ai ki te āheitanga ahumoni?
  3. Mēnā ko koe he rangatahi Māori me te āheitanga ahumoni kaha, kua whairawa koe, kua hōhonu rānei ō pūkoro?
- Te māramatanga ki te hononga i waenga i te kōiwi, te whānau, te oranga me te āheitanga ahumoni.
  - Ngā ariā o te koha, manaakitanga, aroha, me te mana - ka pēhea e tūhono ai ngā pūkenga me ngā ariā o te wā ki te mātauranga ahumoni.
  - Te tautohu i ētahi āhuatanga o ngā whakaaro o te Māori e pā ana ki te whairawa, me te horopaki o ēnei, hei wāhanga o te oranga.





## Wāhanga Tahī: Tō tuakiri, me tō āheitanga ahimoni.

1. Ka pēhea ō mōhiotanga ki te āheitanga ahimoni e whai awenga ai ki tō tuakiri, ki tō papa kāinga, me tō tūnga i te ao?

He nanakia a Māui. Heoi anō, i mōhio nō hea ia me tōna tūnga i te ao. Nā tēnei i whakakaha tōna māia, te pūtaka mō te nuinga o ana whakataua. Ko te mutunga iho, i taea ngā mahi nunui te whakaoti pērā i te whakapōturi i te rā. Pēnei i a Māui, ki te pai ake tō mōhiotanga ki tōu ake tirohanga rangatahi Māori ahurei, ka āwhinatia koe i ō whakataunga, ngā whakataunga taha ahimoni anō hoki.

Pēnei i te tokomaha o ngā rangitahi Māori, kāore pea koe i te mahi moni i tēnei wā. Heoi anō, kāore e kore kua kite koe i ō mātua e hoko mai ana i ō hū kura, te hoko kai mā te whānau, te utu nama rānei. Tērā pea kua kitea anō hoki te mahere pūtea rua wiki a ō mātua, ko te tikanga ko ngā hiahia o te whānau te papa whakarite, ā, e pā ana ki te moni i ngā wā katoa, nā te mea koia te mea kotahi ka whai wāhi ki tēnei momo mahere pūtea. Whakaroarohia ētahi atu mahi a tō whānau, ka takoha hoki ki te oranga o te whānau. E hiahia ana te wā me te whakapau kaha ki te whakatutuki i aua mea, engari ko te tikanga kāore i te āhukahukatia.



I riro i a koe tō tirohanga Māori rangatahi ahurei i tō whakapapa, i te taha o ētahi atu āhuatanga tuku mai i ngā atua me ngā tipua pēnei i a Māui. Nā reira, nā tō tirohanga ā-ao ka nui ake te uara kia tau ki ngā mea pēnei i te aroha, mana, whanaungatanga, kua ki te moni. He wāhi tino nui tō te koha ki te whakahaere o ngā whānau Māori, ko tōna pūtaka ko te aroha, te manaakitanga me te mana. Ka āhei te tuku i tāu e hiahia ana hei koha, kei a koe te tikanga, ā, kāore e herea ki te wā. Ka whakatinanahia i ngā wā

katoa i ngā pōhiri, ko te tikanga he moni te koha ka hoatu e te manuhiri ki te tangata whenua. Heoi, i roto i te wā he nui ngā takoha kai pērā i ngā hipi, poaka, pāua, kōura, ngā aha, ngā aha. He wā ano ka whakatakotoria he momo koha rerekē pēnei i ngā taputapu hiko ka kohaina ki tētahi marae i te wā e tāhopukina ana te hōtaka DIY Marae i reira.

Me whakaroaro ngā wā i hoatu koha ētahi o tō whānau. Pēnei i:

- te haere ki te kohikohi mātaitai, te whakangau poaka mō tētahi marae, hui kura rānei.
- te āwhina i runga i te paepae, i roto i te kāuta rānei i tētahi tangihanga
- te kawē i ngā tamariki katoa i tētahi kōhanga reo, kura, wharekura rānei ki te tangihanga me te whakahoki i a rātou i muri.

He mea takoha te wā ki tō whānau ki te mahi i ēnei mahi mō te oranga o te whānau, ā, he tino waiwai aua ritenga ki tā te Māori tirohanga ki te ao, me te whairawatanga o te whānau.

Engari i tua atu, e kite kē ana tātou i ētahi tauira o ngā whānau e whakatinana ana i ngā ariā matua o te āheitanga ahumoni, engari hāunga te whakahaere i tā rātou moni, e whakahaere kē ana i tō rātou wā, me te takoha mai i ā rātou ratonga, te whakamahi i ā rātou rawa whānau pēnei i ngā pūkenga, huanga tauwhāiti, me te haumi atu ki roto i tō rātou whānau me te hapori whānui atu mā te whakapau wā me te manaakitanga. Mā te whakatutuki i te takoha me te manaakitanga i roto i tō tātou whānau ka whakahaumakotia tātou ki te aroha. Ahakoa te kohikohi kai, ahakoa te mahi moni mō ngā hui me ngā haerenga, ahakoa he āwhina i te marae, ka tino whai wāhi te katoa ki te oranga o tō tātou whānau.



## MĀUI HAUTUTŪ: WĀHANGA TAHI – HE NGOHE AKO 1

### Te Puka Kaute Koha

Mō tēnei tūmahi, me tuhi pea ō whakautu ki ngā fiwae e whakaratohia ana, ka āhei te tāhopu ā-waha i ō whakautu, te whakaahua rānei i ō whakautu, kei a koe te tikanga.

Whakaarohia ētahi tauira 'tūturu' e 3 o ngā koha i kitea e koe. Mō tēnā tauira, mō tēnā tauira, whakakā ia wāhanga o te puka kaute i raro. Kua oti kē tētahi tauira mōu. Me mahara, tē taea te ine i te uara o te koha e ai ki te moni, nā te mea e ahu mai ana te koha i te aroha, te mana me te manaakitanga. E āhukahuka ana tēnei puka kaute i ētahi atu utu 'tē kitea' e pā ana ki te koha.

### Wheako Whakaari

'I haere ōku mātua ki te kōhi mātaitai i te one o te takiwā mō te poroporoaki. I pau i a rāua tahi tōna 2 haora. I te hokinga mai ki te marae, i pau te rā i a rāua i roto i te kāuta te mahi.'

Te Koha		Ērā atu mea i takoha; • Wā • Moni • Penehīni	Tapeke moni Āwhiwhiwhi Te utu mō te wā - utu ā-haora
Hei tauira;	<ul style="list-style-type: none"> <li>Kaimoana mō te poroporoaki</li> <li>Manaakitanga - i mahi i te kāuta mō te 4 haora</li> </ul>	<ol style="list-style-type: none"> <li>Te wā kāore i te mahi whaiutu (7.5 haora) x 2</li> <li>Penehīni mō te taraiwa ki te one</li> <li>I mahi te tokorua i te kāuta mō te 4 haora</li> </ol>	<ol style="list-style-type: none"> <li>\$400</li> <li>\$30</li> <li>\$120</li> </ol> <p><b>Tapeke: \$550 te tapeke pea</b></p>



## WĀHANGA TUARUA: TE WHARE TAPA WHĀ: TE ORANGA TOROWHĀNUI ME TE ĀHEITANGA AHUMONI.

### 2. Ka pēhea te oranga e tūhono ai ki te āheitanga ahumoni?

#### Te Whare Tapa Whā me te Āheitanga Ahumoni

Nō tā Māui whakapōturi i a Tamanuiterā, ko te nuinga atu o te wā i ia rā te tukunga iho ki a tātou hei rapu i te tauritenga i roto i tō tātou Whare Tapa Whā. I taea tērā te whakatutuki nā tōna māia i te tuatahi kia mahia e ia te mahi. Nō tōna mōhiotanga ko wai ia, nō hea ia, nō tōna tūnga hoki i te ao taua māia. I mōhio anō hoki me pēhea te whakamahere, me pēhea te whakatakoto whāinga me te whakahaere wā, rawa, tāngata, me pēhea hoki te haumi ki roto i ētahi atu mā te tiritiri i tōna mōhiotanga nunui ki a rātou. He tipua tino māia a Māui. Engari i tua atu e tohu ana ōna āhuatanga i te āheitanga ahumoni.

E aweawetia ana ō mahi whakatau e tō mōhio nō hea koe me tō tūnga i te ao. He wāhanga tino waiwai o te hanga whakatau ko te āheitanga ahumoni kia pai ake ai tō whakahaere me tō haumi moni, tērā ka aweawe pea i tōu oranga me tō tō whānau anō hoki.

Kia pai ake ai tō mōhio ki te āhua e tūhono ana te oranga ki te āheitanga ahumoni, e whakaatu ana te tūtohi i raro nei i ngā pūkenga me ngā āhuatanga o Māui mā te kōrero pūrākau o tana whakapōturi i te rā. E whakaratoa ana he ariā matua i te wāhanga mōhio ahumoni tērā e hura ka pēhea ōna āhuatanga e whai pānga ana ki te mōhio Ahumoni. I te tīwae whakamutunga ka pātaitia koe e te Whare Tapa Whā ki te whai whakaaro ka pēhea pea te pānga takatika o te āheitanga ahumoni ki te oranga torowhānui. Heoi, ehara i te mea kei te tika, kei te hē rānei ētahi huatau.



## Māui - Mōhio Ahumoni – Oranga

<p>Ngā Huānga Pou i tautohutia ngā āhuatanga o Māui i te pūrākau mō tana whakapōturi i te rā.</p>	<p><b>Ngā Pou Āheitanga Ahumoni</b></p> <ul style="list-style-type: none"> <li>• Me pēhea te hanga i tētahi mea (moni)</li> <li>• Me pēhea te whakahaere i tētahi mea (moni)</li> <li>• Me pēhea te haumi ki roto i tētahi mea (moni), ki tētahi mea rānei (moni)</li> <li>• Me pēhea te whakarite kia mahi tētahi mea āu (moni) mōu</li> </ul>	<p><b>Ngā Pou o Te Whare Tapa Whā</b></p> <p>Me whakamahuki ka pēhea te āheitanga ahumoni e aweawe i te Whare Tapa Whā. Kāore koe e mate ki te whakaoti i ngā pou katoa e whā</p>
<p>Te tino rangatiratanga (e whakapai ake ana i te ao o ētahi atu, me tōu ake ao)</p> <p>I pūtohe a Māui ki te whakapōturi i te rā kia whiwhi ai te whānau i te nui ake o te wā mō te pāhekoheko hei whānau.</p>	<p>He mea whakahaere e Māui tōna wā, ōna pūkenga me ōna huānga ki te whakatutuki i taua tūmahi.</p> <p>I pau i a Māui te wā me te kaha ki te whakaoti i te rapanga, me te hanga i ngā otinga whaitake, tautini anō hoki</p> <p>I whakamahi a Māui i tōna mōhio ki te hanga otinga, ka mutu, ka ea tāna i tōminamina ai.</p>	<p><b>Te Taha Whānau:</b></p> <p>I whakamanawatia a Māui e te whānau ki te hanga otinga whaitake mō te oranga ki tua</p> <p><b>Te Taha Wairua:</b></p> <p>I whakamahi a Māui i ngā mōhiotanga taketake pēnei i te karakia ki te ārahi me te uruhi i tērā i tuku iho ki tōna whakatipuranga me ngā mea i whai atu</p> <p><b>Te Taha Hinengaro:</b></p> <p>I whakamahi a Māui i tōna hiranga hinengaro me tōna pāuaua kia ea ai tōna wawata. Te awhero me te hihiko rāroto</p> <p><b>Te Taha Tinana:</b></p> <p>Te whakatau ko tōu kotahi i tōu anō whakanaketanga</p>



## MĀUI HAUTUTŪ: TE WHARE TAPA WHĀ ME TE ĀHEITANGA AHUMONI

### HE NGOHE AKO 2

Mō tēnei tūmahi, me tuhi pea ō whakautu ki ngā fiwae e whakaratohia ana, ka āhei te tāhopu ā-waha i ō whakautu, te whakaahua rānei i ō whakautu, kei a koe te tikanga.

Kei a koe ināiane! Me whakaaroaro ngā pūkenga me ngā āhuetanga kei roto i tō whānau, ka tuhituhi i ēnei ki roto i te fiwae tuatahi. I roto i te fiwae tuarua, whakaatu mai ka pēhea aua āhuetanga e āwhina ai i te āheitanga ahumoni o tō whānau. I te fiwae tuatoru, marohitia tō whakaaro ka pēhea pea e awea ai tō whare tapawhā e tēnei takoha ki tō āheitanga ahumoni. Heoi, ehara i te mea kei te tika, kei te hē rānei ētahi huatau.

<b>Ngā Āhuetanga o te Whānau</b> <i>He tino manu kōrero</i> <i>He kaikaranga whakamīharo</i> <i>He pukumahi</i> <i>He pai ki te kōhi kaimoana</i> <i>He toa ki te kapa kaha</i> <i>He kaingaki māra tautōhito</i> <i>He puna aroha</i> <i>Ka taea e whae ngā mea katoa te tunu</i> <i>Tino ihumanea taku tuahine</i> <i>Tino tere taku tuakana</i>	<b>Te Āheitanga Ahumoni</b> <i>Me pēhea te hanga i tētahi mea (moni)</i> <i>Me pēhea te whakahaere i tētahi mea (moni)</i> <i>Me pēhea te haumi ki roto i tētahi mea (moni), ki tētahi mea rānei (moni)</i> <i>Me pēhea te whakarite kia mahi tētahi mea āu (moni) mōu</i>	<b>Ngā Pou o Te Whare Tapa Whā</b> <b>Me whakamārama mēnā:</b> <ul style="list-style-type: none"> <li>• ka koha mai te pūkenga, āhuetanga rānei ki te whānau, ki a koe anō rānei?</li> <li>• ka whakarei te pūkenga, āhuetanga rānei i te oranga o te whānau, tōu oranga whaiaro rānei?</li> <li>• ka aweawe ngā pūkenga me ngā āhuetanga i ētahi, ētahi, te katoa rānei o ngā Pou Whare Tapa Whā?</li> </ul>
		Te Taha Whānau: Te Taha Hinengaro: Te Taha Wairua: Te Taha Tinana:
		Te Taha Whānau Te Taha Hinengaro Te Taha Wairua Te Taha Tinana


## **WĀHANGA TUATORU: HE AHA TE TIKANGA O TE WHAIRAWA, TE HŌHONU O TE PŪKORO RĀNEI KI NGĀ RANGATAHI MĀORI.**

### **3. Hei rangatahi Māori, he pēhea te āhua o tō whairawatanga?**

I whakarato tā Māui whakapōturi i te rā i te nui ake o te wā mōna me tōna whānau kia pārekareka ake i te wā i pau hei whānau e pāhekoheko ana tētahi ki tētahi. I roto i a ia anō ka rongō i te whairawa, ko te aroha, te whanaungatanga me te manaakitanga te pūtake. I tino hira ki a ia ngā hononga whai painga taharua. Mai i te tirohanga Māori, he mea waiwai te tūhurahura he aha te uho o tō rongō i te whairawatanga i roto i a koe anō. Mā reira e pai ake ai tō mātau ki te tūnga o te āheitanga ahumoni i roto i tōu ake ao.

He mea nui kia mārama koe ehara i te mea ka pai haere tō kiritau mā te whai moni me ngā rawa ōkiko. Ka nui te tūponotanga, ka ahu mai tērā i tō mōhio nō hea koe, te mōhio ki tō tūnga i te ao me ngā ngā kare ā-roto e whakamanawatia ana e tō whānau, pēnei i te aroha me te manaakitanga. Mā aua āhuatanga koe e uruhi ki te whakatutuki i te katoa ka taea, me te whakatō i te aronganui o te tino whairawatanga ki roto i a koe.

He maha ngā whānau e rongō ana he tūturu tō rātou whairawa ina āwhina ā-takoha i ētahi atu i ngā wā e tino hiahia, ina manaaki tētahi i tētahi, ina mātakitaki i tētahi atu e whakaea ana i āna whāinga pae tawhiti, ōna pikinga, ina whakapau wā kounga tētahi me tētahi. Ka puta hoki pea i te rironga o te āheitanga ahumoni mōu anō me tō whānau aua momo kare ā-roto anō, nā te mea he momo angitu whānau anō, engari rawa he ngohe mahi moni, haumi moni rānei.





## He Ngohe Ako 3

1. He Kapua Ohia Manomano
2. Kia Nui te Wawata, kia Atamai te Whakamahere

I te tūmahi kei raro nei ohia manomanotia ngā mea e mahi ana ko, tō whānau hoki, e totoko ai te aronga whairawa me te whakahī. Tuhia ēnei ki te kapua i raro. Tuhia te maha rawa o aua mea ka taea e koe te whakaaro, ka kōwhiri ai ko tēhea o ēnei e tino kaingākaunui ai koe.

Nā, me pohewa te whakatūturu mārika i taua mea - te huri i te wawata kia tūturu ā-tinana. I a koe e pohewa ana, me huritao ēnei pātai;

- Ka āta taea e koe taua wawata?
- Whakaaroarohia ngā karere huna i roto i te pūrākau 'I pēhea tā māui whakapōturi ake i a Tamanuiterā.' Ko ētahi o ēnei ko te whakamahere, te whakatakoto whāinga, te aroha, te manaakitanga, me te nui noa atu. Ka āwhinatia koe e ētahi o aua ariā?
- Huritaotanga tāu i ako ai mō te āheitanga ahumoni, ka taea e aua ariā koe te āwhina?

Tuhia, ka tāhopu rānei i ō huritaotanga mō ngā ara e ea ai pea tō wawata. Kāore he whakautu tika, hē rānei, ā, ka whakatepea rānei koe e ngā tepe o tō pohewatanga - kia nui te wawata, kia atamai te whakamahere.

## Kapua Ohia Manomano

**Ngā mea e  
whairawa ai, e  
whakahī ai au.**

Ina waiata au

## Kia Nui Te Wawata, Kia Atamai Te Whakamahere (tauirā)

<b>Tōku Wawata:</b>	Ki te waiata
<b>Ōku huritaotanga:</b>	E tino rongō au i te whakahī ina waiata au. Ka rongō anō hoki i te whairawatanga i roto nei, nā te mea he pārekareka ki tōku whānau te whakarongo ki a au e waiata ana. Nā rātou i whakarite kia waiata au i ngā whakataetae i toa ai au. Ko tōku pīrangī, ko te mahi hei kaiwaiata. Kei te mōhio ka pai taua mahi ki a au, ā, ka whakakī anō hoki tōku whānau.
<b>Me pēhea tēnā e tutuki ai i a au?</b>	<p><i>Me aha ahau?</i>  <i>Mā wai au e āwhina, e tautoko rānei?</i>  <i>Ngā ara whakaputa paetae</i></p> <p>Me whakamahere ka pēhea e tutuki ai i a au. Me haere pea ki ngā akoranga waiata? Me pēhea e pai ake ai te tautoko a tōku whānau i ahau? Me whiwhi pēhea ngā moni hei utu i tēnei wawata? He akoranga koreutu ka taea e au? Kia hia te wā me tāpui au?</p>

## Kia Nui Te Wawata, Kia Atamai Te Whakamahere

<b>Tōku Wawata:</b>	
<b>Ōku huritaotanga:</b>	
<b>Me pēhea tēnā e tutuki ai i a au?</b> <i>Me aha ahau?</i> <i>Mā wai au e āwhina, e tautoko rānei?</i> <i>Ngā ara whakaputa paetae</i>	

## Ngā Pātai Matua

1. Ka pēhea ō mōhiotanga ki te āheitanga ahumoni e whai awenga ai ki tō tuakiri, ki tō papa kāinga, me tō tūnga i te ao?
2. Ngā ariā o te koha, manaakitanga, aroha, me te mana - ka pēhea e tūhono ai ngā pūkenga mengā ariā o te wā ki te mātauranga ahumoni.
3. Te tautohu i ētahi huānga o ngā whakaaro o te Māori e pā ana ki te whairawa, me te horopaki o ēnei, hei wāhanga o te oranga.
4. Te māramatanga ki te hononga i waenga i te kōiwi, te whānau, te oranga me te āheitanga ahumoni.
5. Ka pēhea te oranga e tūhono ai ki te āheitanga ahumoni?
6. Hei rangatahi Māori, he pēhea te āhua o tō whairawatanga?



## MĀUI HAUTUTŪ: TE AROMATAWAI WHAKAWHANAKE - TE KOHA ME TE TOIORA TANGATA

Kia mārama ake ai te hononga o te toiora tangata ki te raukaha ahumoni me uiui koe i ētahi tāngata whaimahi o tō whānau. Tukuna ēnei kōrero, pātai hoki hei whakaaro, hei whakautu mā rātou:

- Kōrero mai te koha whakamutunga i hoatu e koe
- I aha koe kia ea, kia tutuki tō hoatu?
- He aha te utu āwhiwhiwhi mō te koha?
- I raro i ngā pou o Te Whare Tapa Whā, ko ēhea ngā pou i whai pānga nui?

Whakaotia te tūtohi kei raro iho nei i a rātou e whakautu ana i ia pātai. He tauira kei reira hei tiroiro māu. Kia maumahara, ehara i te mea he whakautu tika, he whakautu hē.

Te koha me tōna pūtake	Ngā momo taputapu i whakamahia	Tana utu	Te Whare Tapa Wha
Te koha mātaihai hei whāngai i te whānau	<ul style="list-style-type: none"> <li>• Te hautū i te waka ki tai</li> <li>• E 2 haora i pau ki te koha mātaihai (x2 tāngata)</li> <li>• 1 haora ki te tuaki, ki te whakarite (x2 tāngata)</li> </ul>	\$20  \$80  \$40  <b>\$140 Te Tapeketanga</b>	Te Taha Whānau, Te Taha Wairua, Te Taha Tinana